

Presentacion di bukinan musical di Rufo Wever y di Padu del Caribe

A devela busto di Rufo Wever na Cas di Cultura



DIARAZON anochi, Arubaanse Muziekschool-Scol di Musica Rufo Wever tabatin presentacion di bukinan, Album nr. 2., Souvenir Album – Musica Arubano pa Rufo Wever y Album nr. 1, coleccion di musica di Padu del Caribe.

Alabes a devela un busto di Rufo Wever, un busto masha bunita mes, cu ta keda den piso ariba na Cas di Cultura.

Nos ta kere cu e busto aki, p.e. lo mester di haya un pedestal mas bisto pa pueblo Arubano y si por, riba e parke cu lo wordo construi como Binnenhof pa Padu del Caribe, p'asina nos hobennan sa cu aki ta trata di dos musico grandi y sigur ambos a traha riba nos Himno di Aruba. Awe nos ta publica algun potret di e acontecimento di diarazon anochi, cu sigur ta uno masha yamativo.